



მენორა

გამოდის
1993 წლის
მარტიდან

ღამოუკიდებელი ებრაული ბაზეთი საქართველოში

„MENORA“ INDEPENDENT JEWISH NEWSPAPER IN GEORGIA

מנורה

„МЕНОРА“ НЕЗАВИСИМАЯ ЕВРЕЙСКАЯ ГАЗЕТА В ГРУЗИИ

მარტი
(აღარი II)
№3 (389)
(5774)
2014

“מנורה”
עיתון יהודי
בגוריה

16-17 მარტი - ბორცვებზე სიკეთის გამარჯვების დღესასწაული - ფურიმი



გაიმართა ევრ-აზიის
ებრაელთა კონგრესის
გენერალური ასამბლეა.
კონგრესის პრეზიდენტად
არჩეულია
იულუს მაინლ მე-V
ის. მე-2 გვერდი —»

მიხეილ მირილაშვილის დიდი აღიარება



ამას წინათ ისრაელის დედაქალაქში ერთობ საინტერესო და საქართველოს ებრაელობისათვის ფრიად საგულისხმო საზეიმო ცერემონიალი გაიმართა — 5 თებერვალს სასტუმროში „კერენ პლაზა“ ცნობილ ბიზნესმენსა და ფილანთროპს მიხეილ მირილაშვილს გადაეცა ერთობ პრესტიჟული ჯილდო — იერუსალიმის პრემია. ქართველ ებრაელობაში ამ გამორჩეულ პიროვნებას — მიხეილ მირილაშვილს — ეს დიდი პრემია გულუხვი და გააზრებული საქველმოქმედო მოღვაწეობისათვის მიენიჭა. ამ პრემიას ანიჭებს იერუსალიმის მუნიციპალიტეტი გამორჩენილ მეცნიერებს, ხელოვნების მუშაკებს, ბიზნესმენებს. მიხეილ მირილაშვილისათვის ამ პრემიის მინიჭება გახლავთ კიდევ ერთი აღიარება მისი ფართო საზოგადოებრივ-ფილანთროპული მოღვაწეობისა.

გაზეთ „მენორას“ რედაქცია ქართველი ებრაელობის ამ ღირსეულ წარმომადგენელს გულითადად ულოცავს ასეთ აღიარებას და უსურვებს შემდგომ წარმატებებს, როგორც ბიზნესში, ასევე საქველმოქმედო საქმიანობაში.

მსოფლიოს ებრაული კონგრესის პრეზიდენტს ბ-ნ რონალდ ლაუდარს

მვირფასო ბატონო რონალდ!

გულითადად გილოცავთ თქვენი სიცოცხლის 70-ე გასაფხულს. თქვენ წილად გზდათ დიდი მოვალებების აღსრულება - ეოველდღიურად ისმენდეთ ებრაელი ხალხის მაჯისცემას და დგამდეთ შესაბამის ნაბიჯებს ერის საკეთილდღეოდ.

ერის წინამძღოლობა ის ფასეულობაა, რომელიც ადამიანის ზასუსისმგებლობის გრძნობასაც უმძაფრებს და ბედნიერებასაც ანიჭებს. ასეთ ადამიანს ღმერთი გამო



არჩევს. ის, რომ თქვენ მსოფლიოს ებრაელობის წინამძღოლი ხართ, ღვთის ნებაა. ამიტომ უზენაესს ვთხოვ მოგცეთ ძალა, ჯანმრთელობა, რომ გამკლავებოდეთ იმ ზრობლებებს, რომლებიც დღეს ებრაელი ერის წინაშე დგას.

კავკასიური დღევ რძელობა, ბატონო რონალდ!

ღრმა პატივისცემით გურამ ბათიაშვილი
საქართველო, მწერალი,
მსოფლიოს ებრაული კონგრესის
ვიცე-პრეზიდენტი

9 მარტს თბილისში ისრაელელი ბიზნესმენისა და ფილანტროფის მიხეილ მირილაშვილის მეთაურობით ჩამოვიდა სხვადასხვა ქვეყანაში მოღვაწე ებრაელ ბიზნესმენთა ჯგუფი. თბილისში ჩამოვიდნენ: **მიხეილ მირილაშვილი**, **იცხაკ მირილაშვილი**, **დავით ფაჩალი** (სასტუმროების ინდუსტრია), **მოშე ლიტვაკი** (მრეწველობა, ინფრასტრუქტურა), **ამიხაიმ შორერი** (ტელეკომუნიკაციები), **ნისიმ ბენდავიდი** (სანავსადგურო ინფრასტრუქტურა), **მოშე თერი** (ენერჯეტიკა), **აბრამ ნანიკაშვილი** (ენერჯეტიკა), **დავით ფრაგი**, **ზოჰარ საფირი**, **თემურ ხინინაშვილი**, **აპარონ ფრენკელი**, **იციკ თშუვა** (ენერჯეტიკა, უძრავი ქონება), **შალომ შიმონი**, **შარონ კედმი** (სოფლის მეურნეობა).

10 მარტს საქართველოს პრემიერ-მინისტრი **ირაკლი ლარიაშვილი** მინისტრთა კაბინეტში შეხვედა ებრაელ ბიზნესმენებს.

შეხვედრას ასევე ესწრებოდნენ სოფლის მეურნეობის მინისტრი **შალვა ფიფია**, ფინანსთა მინისტრი **ნოდარ ხადური**, რეგიონული განვითარებისა და ინფრასტრუქტურის მინისტრი **დავით ნარმანია**, საინვესტიციო სააგენტოს ხელმძღვანელი **გიორგი პერტაია**.

ქართულმა მხარემ სტუმრებს საქართველოში არსებული ბიზნესგარემო გააცნო. ბიზნესმენებს სიტყვით მიმართა საქართველოს პრემიერ-მინისტრმა:

„დარბაზში ვხედავ ნაცნობ სახეებს, იმ ხალხს, რომლებიც იერუსალიმში გამართული შეხვედრების დროს გავიცანი. მიხარია, რომ დღეს გმასპინძლობთ მრგვალი მაგიდის ფორმატით გამართულ ბიზნესშეხვედრაზე. მადლობას მოგახსენებთ, რომ დაინტერესდით საქართველოთი. ბატონებო, გაჩნდა იდეა, რომ დავააროთ ისრაელისა და საქართველოს ბიზნესსაბჭო. ეს ხელს შეუწყობს ბიზნესებს შორის ურთიერთობას, რაც, თავის მხრივ, უზრუნველყოფს თანამშრომლობის გაღრმავებას ჩვენს ქვეყნებს შორის.“

მიმართა, რომ საქართველოსა და ისრაელს შორის სავაჭრო და საინვესტიციო შესაძლებლობები ჯერ კიდევ არ არის სათანადოდ ათვისებული. ასე რომ, გამოვთქვამ იმედს, რომ ასეთი პოზიტიური ნაბიჯები დააჩქარებს პროცესებს უახლოეს მომავალში.“ — განაცხადა საქართველოს პრემიერ-მინისტრმა ებრაელ ბიზნესმენებთან შეხვედრაზე.

ეპრაელი ბიზნესმენები თბილისში



ევრა-აზიის ებრაელთა კონგრესის გენერალური ასამბლეა

ევრა-აზიის ებრაელთა კონგრესის პრეზიდენტმა ვადიმ შულმანმა გასული წლის დასასრულს გადადგომა ითხოვა — კონგრესის პრეზიდენტისა და გენერალური საბჭოს წევრებისადმი გაგზავნილ წერილში აღნიშნა, რომ ბიზნესით ერთობ დაკავებულია და ვეღარ ახერხებს კონგრესს სათანადოდ დრო დაუთმოს. ბ-ნი შულმანის თხოვნა გადადგომის თაობაზე დაკმაყოფილებული იქნა.

ევრა-აზიის ებრაელთა კონგრესს დროებით სათავეში ჩაუდგა კონგრესის პირველი ვიცე-პრეზიდენტი ბიზნესმენი და, გამოჩენილი ფილანტროპი მიხეილ (მიხო) მირილაშვილი. მომავალი პრეზიდენტის ასარჩევად გენერალური ასამბლეა სწორედ მიხო მირილაშვილის ხელმძღვანელობით მომზადდა.

და აი, 16 თებერვალს იერუსალიმში, სასტუმრო „დან იერუსალიმში“ გაიხსნა ევრა-აზიის ებრაელთა კონგრესის მორიგი გენერალური ასამბლეა. გენასამბლეის დელეგატებს (ცნობილია, რომ ევრა-აზიის ებრაელთა კონგრესი ამ ორი კონტინენტის ოცზე მეტი სახელმწიფოს ებრაელობას აერთიანებს), სტუმრებს შესავალი სიტყვით მიმართა პრეზიდენტის მოვალეობის შემსრულებელმა მიხეილ მირილაშვილმა. მოკლე სიტყვაში მიხეილ მირილაშვილმა ისაუბრა კონგრესის როლზე ორი კონტინენტის ებრაელთა ცხოვრებაში, იმ დიდ პასუხისმგებლობაზე, რომელიც ახლადარჩეულ პრეზიდენტს, გენასამბლეის დაუკისრებდა.

გენასამბლეის გახსნისას პრეზიდენტში წარმოდგენილი გახლდნენ, ვიცე-პრეზიდენტები მარკ შაბადი, გერმან ზახარიავი, გაბრიელ მირილაშვილი, მერაბ ელაშვილი

გენერალური ასამბლეის მონაწილეებს პირველსავე დღეს მიესალმნენ და კონგრესის ამოცანებზე ისაუბრეს ისრაელის საგარეო საქმეთა მინისტრის მოადგილე ვიკტორ დევიანი, ქენესეთის ალიისა და აბსორების კომიტეტის თავმჯდომარე იოელ რაზვოზოვი, კერძოდ აიასოდის თავმჯდომარე რონი ვინიკოვი, აშშ ძირითად ებრაელი ორგანიზაციების პრეზიდენტთა საბჭოს თავმჯდომარე რობერტ ცუგერმანმა და აღმასრულებელმა ვიცე-პრეზიდენტმა ჰენლაინმა, რუსეთის ებრაული კონგრესის ვიცე-პრეზიდენტმა ბენი ბრისკინმა.

გენერალურმა ასამბლეამ აირჩია მზრუნველთა საბჭო, რომელიც შესდგება 14 ბიზნესმენისაგან.

კონგრესის პრეზიდენტის თანამდებობაზე დასახლებული გახლდათ ერთი კანდიდატურა — **Julius Meini AG** და **Meini Bank**-ის მზრუნველთა საბჭოს თავმჯდომარე, ცნობილი მენარმე და ფილანტროპი იულიუს მაინლი V, რომელიც ერთხმად იქნა ქრჩეული კონგრესის პრეზი-

დენტად მსოფლიოს ებრაულ კონგრესში იგივე წარადგენს ევრა-აზიის ებრაელთა კონგრესს, როგორც მუდმივი წევრი.

პრეზიდენტმა იულიუს მაინლმა კონგრესის ხაზინადარად მატვეი გუტმანი წარადგინა. ეს კანდიდატურა გენერალური ასამბლეის მიერ მიღებული იქნა.

პრეზიდენტად არჩევის შემდეგ თავის გამოსვლაში იულიუს მაინლ მე V-მ თქვა:

— ადრეულ წლებში ევრა-აზიის ებრაელობის ხმა ამ რეგიონიდან შორს ისმოდა, მეორე მსოფლიო ომის სამხრული ტრაგედიის შემდეგ კი ეს ხმა სამუხაროდ, მინელდა. რეგიონის ბევრი ებრაელი თემი საბჭოთა კავშირის გავლენის სფეროში მოექცა და „მდუმარე ებრაელობა“ იქცა, მაგრამ დღეს ევრა-აზიის ქვეყნების ებრაელობის ხმა კვლავ გაისმის და ქვეყნიერებს აუწყებს თავის გასაჭირსა და მისწრაფებებზე. მე განზრახული მაქვს ენერგიულად ვემსახურო ევრა-აზიის ებრაელობის მსოფლიოს ებრაელობის თანამეგობრობაში რეინტეგრაციის საქმეს. რასაკვირველია, ყოველი ებრაელი თემისათვის ძალზე მნიშვნელოვანია ტრადიციის შენარჩუნება, ებრაული აღზრდა-განათლება, მაგრამ არანაკლებ მნიშვნელოვანია უზრუნველყოფილი იქნას ამ თემების მსოფლიო ებრაულ სტრუქტურებში წარმომადგენლობა, და არა მხოლოდ — რეგიონის ქვეყნების ებრაელობას იმ ქვეყნების ხელმძღვანელობისა და ხალხის წინაშე უნდა ჰქავდეს წარმომადგენლობა, რომლებიც ისინი ცხოვრობენ. მე ამაში ვხედავ არა მხოლოდ უბრალო სოლიდარობას, არამედ ისრაელისადმი მსოფლიო მხარდაჭერის, უმიზეზო ცილისწამებისა და დელეგაციზაციის ცდებისაგან დაცვის საშუალებას.

განვილო ათი წლის განმავლობაში ევრა-აზიის კონგრესი ძლიერი, ორგანიზებული ებრაული სტრუქტურა გახდა ვეცდები მიღწეული კიდევ უფრო გავაძლიერო. ჩვენ გავაგრძელებთ ამ გზით სვლას.

17 თებერვლის გალადიერზე კონგრესის მუშაობას მიესალმნენ მსოფლიოს ებრაელთა კონგრესის აღმასრულებელი ვიცე-პრეზიდენტი რობერტ ზინგერი, ისრაელის შინაგან საქმეთა მინისტრის მოადგილე ფაინა კირმენაუმი, სოხნუთის თავმჯდომარე ნათან შარანსკი, ისრაელის პრეზიდენტის თანამემწემ იორამ დორიმ ნაიკითხა პრეზიდენტ შიმონ პერესის მისალმება **იულიუს მაინლ მე-V დაიბადა 1959 წლის 9 ივლისს ავსტრიაში შთამომავლობითი მენარმეების ოჯახში, დაამთავრა სენტ-გალებსკის უნივერსიტეტი (შვეიცარია) ეკონომიკისა და ფინანსების სპეციალობით.**

იულიუს მაინლ V ეწევა აქტიურ საქველმოქმედო საქმიანობას, მხარს უჭერს ავსტრიის ებრაულ სათემო



ევრა-აზიის პრეზიდენტი იულიუს მაინლ მე-V

სტრუქტურებს, ლაუდერის სამენარმეო სკოლას ვენაში, ასევე ყოფილი საბჭოთა კავშირის ტერიტორიაზე, ცენტრალურ და აღმოსავლეთ ევროპაში ეხმარება ებრაულ თემებს, თუ იქ არსებობს Meini Bank ..

გენერალურმა ასამბლეამ ევრა-აზიის ებრაელთა კონგრესის გენერალურ მდივნად დაამტკიცა პროფესორი **მიხეილ ჩლენოვი**, ხოლო გენერალური საბჭოს თავმჯდომარედ — **იოსებ ზისელსი**. ახლად არჩეული გენერალური საბჭოს წევრები გახდნენ: მწერალი **გურამ ბათიაშვილი**, სემკ-ის საქართველოს წარმომადგენლობის წევრი **ბორის თეთრუაშვილი** და ებრაული სახლის კულტურულ-საგანმანათლებლო ფონდის დირექტორი **ელენე ბერკოვიჩი**. სემკ-მა გენერალურ საბჭოში თავის წარმომადგენლად წარგზავნა კონგრესის პროგრამების დირექტორი პროფ. დავით ბააზოვი.

გენერალური ასამბლეის ეგიდით მუშაობდა ახალგაზრდული სექცია. საქართველოდან წარმოდგენილი გახლდნენ ნათან თაფლიაშვილი და დათო იოსებაშვილი.



არიელ შარონის ხსოვნა



დიდი მხედართმთავრისა და პოლიტიკოსის ცხოვრების ამსახველი გამოფენა თბილისში



26 თებერვალს საქართველოს პარლამენტის ეროვნულ ბიბლიოთეკაში დიდძალი ხალხი შეიკრიბა – აქ იყვნენ როგორც ქართველები, ისე ებრაელები.

საქართველოს პარლამენტის ეროვნულმა ბიბლიოთეკამ, საქართველოში ისრაელის საელჩომ და საქართველო-ისრაელის მეგობრობის საზოგადოებამ ეროვნული ბიბლიოთეკის დიდ დარბაზში გამართა გამოჩენილი მხედართმთავრის არიელ შარონისადმი მიძღვნილი გამოფენა, იდეის ინიციატორი ეროვნული ბიბლიოთეკის ხელმძღვანელობა გახლდათ.

დარბაზში შესული მსურველი ნახავდა თანამედროვე ისრაელის, არიელ შარონის ცხოვრებისა და მოღვაწეობის – როგორც სამხედრო, ისე პოლიტიკური პირის, ფოტომასალას, აქ იყო არა მხოლოდ საქართველოში მისი სტუმრობის, ქართველ საზოგადო, პოლიტიკურ მოღვაწეებთან შეხვედრების ამსახველი მასალები, არამედ ამ გამოჩენილი პირის ოჯახური ყოფის დამადასტურებელი რელიკვიები. ჩანდა, რომ გამოფენის მომწყობს – თამარ ჭყონიას ენერჯია არ დაუზოგავს, რათა აუდიტორია კარგად გასცნობოდა ისრაელის ამ გმირის მოღვაწეობას და ცხოვრებას.

სალამო გახსნა მარიამ ჭყონიამ, რომელმაც სიტყვა ეროვნული ბიბლიოთეკის გერნერალურ დირექტორს, პოეტ გიორგი კეკელიძეს გადასცა.

გიორგი კეკელიძე გულითადად მიესალმა დიდ დარბაზში შეკრებილ სტუმრებს, ისაუბრა ქართულ-ებრაულ ურთიერთობაზე, შეჩერდა ამ ურთიერთობის არსებით მხარეზე და მაღალი შეფასება მისცა არიელ შარონის როლს თანამედროვე ისრაელის პოლიტიკურ ცხოვრებაში, მისი საზღვრების უსაფრთხოებასა და სახელმწიფოებრივი მთლიანობის შენარჩუნების საქმეში.

ისრაელის საგანგებო და სრულუფლებიანი ელჩი საქართველოში ბ-ნი იუვალ ფუქსი გამოსთქვამს მადლიერების გრძობას იმის გამო, რომ თბილისში ეწყობა ასეთი ფართო გამოფენა ისრაელის ეროვნული გმირის, პოლიტიკური მოღვაწის ცხოვრებასა და მოღვაწეობაზე. მან ვრცლად ისაუბრა არიელ შარონზე.



ეს იყო ერთობ დამოუკიდებელი პიროვნება, ლიდერი, რომელიც ზოგჯერ არაპოპულარულ, მაგრამ ქვეყნისათვის ძლიერ საჭირო ნაბიჯებს დგამდა, მან კარგად იცოდა, რა სჭიროდა ისრაელს. ეს იყო მშვიდობა, და ის ეძებდა მეზობლებთან მშვიდობიანი თანაცხოვრების გზებს. გენერლის, სამხედრო მოღვაწის ქმედებებს ისრაელის თავდაცვისა და უშიშროების განმტკიცებისათვის ბევრი ეწინააღმდეგებოდა, მაგრამ დრომ, მოვლენების განვითარებამ გვაჩვენა, რომ იგი არ სცდებოდა. სამწუხაროდ, მას არ დასცალდა თავისი გეგმის სრულად განხორციელება.

საქართველო-ისრაელის მეგობრობის საზოგადოების პრეზიდენტი, საქართველოს მეცნიერებათა ეროვნული აკადემიის ვიცე-პრეზიდენტი, აკადემიკოსი როინ მეტრეველი იხსენებს არიელ შარონის სტუმრობას თბილისის სახელმწიფო უნივერსიტეტში, როცა იგი უნივერსიტეტის ეზოში მიმოდოდა, რათა შეეგრძნო უნივერსიტეტის ეზოში, თუ როგორ გაიცნო მისმა მამამ მისი დედა – დვორა.

ბ-ნი რ. მეტრეველი მაღალ შეფასებას აძლევს არიელ შარონის ცხოვრებასა და მოღვაწეობას, მის ბრძოლას ისრაელის დამოუკიდებლობისათვის და იხსენებს ისრაელის პოლიტიკურ მოღვაწეებთან შეხვედრებს.



საქართველოს კათოლიკოს-პატრიარქის საქველმოქმედო ფონდის თავმჯდომარე, ისრაელში საქართველოს ყოფილი საგანგებო და სრულუფლებიანი ელჩი – ლაშა ჟვანია იგონებს არიელ შარონთან შეხვედრებს.

– მაშინ ჯერ კიდევ ისრაელში საქართველოს კონსული ვიყავი. გურამ ბათიაშვილმა მთხოვა დავხმარებოდი დოკუმენტური ფილმის „დაგვიანებული კადიში“-ს გადასაღებ ჯგუფს არიელ შარონთან ურთიერთობის საქმეში მის ოჯახში გადაღების დღეს. ჩვენ, მთელი დღე ვიღებდით არიელ შარონის რანჩოში მასთან საუბარს, მის ოჯახურ გარემოცვას და გავიცანით ერთობ საინტერესო პიროვნება, პიროვნება, რომელსაც არა მხოლოდ ძლიერ უყვარდა თავისი სამშობლო, არამედ ეძებდა მისი მშვიდობიანი ცხოვრების გზებს. სწორედ იმ დღეს გვითხრა ბ-ნმა შარონმა, რომ მისი დედა სოფელ მაღალში პალესტინელი ტერორისტების თავდასხმას ქართული ხანჯლით იგერიებდა.

შემდეგ ლაშა ჟვანია იხსენებს არიელ შარონთან უკვე ელჩის რანგში შეხვედრის დეტალებს.

ცნობილია, რომ არიელ შარონის ბებია – სლავა იოსების-ასული შნეეროვა, თბილისში გახლავთ დაკრძალული. გამოჩენილი ისრაელელი მხედართმთავარი დიდხანს ოცნებობდა მისულიყო თავისი ბებუის საფლავთან. ეს ფაქტი დაედო საფუძვლად მერაბ კოკოჩაშვილის დოკუმენტურ ფილმს „დაგვიანებული კადიში“, რომელიც გურამ ბათიაშვილის იდეითა და სცენარით შეიქმნა.



რუსთაველის პრემიის ლაურეატი, კინორეჟისორი მერაბ კოკოჩაშვილი ლაპარაკობს არიელ შარონის რანჩოში გატარებულ იმ დღეზე, როცა კინოგადაღებისას ასე ახლოს და კარგად გაიცნეს ისრაელის იმდროინდელი პრემიერ-მინისტრი არიელ შარონი, მაღალ შეფასებას აძლევს მის ღვაწლს ისრაელის სამხედრო ძლიერების საქმეში, მადლიერების გრძობით იგონებს ისრაელის ქართული ტელევიზიის „ჩვენი არხი“-ს მესვეურთა დახმარებას, რომელიც ფილმის გადაღებისას გაუწია გადასაღებ ჯგუფს.

გურამ ბათიაშვილის იდეა იყო შარონის ბებუის მაგალითზე გადაგველო ფილმი ქვეყნიერების სხვადასხვა კუთხეში მიმოფანტულ ებრაელთა საფლავებზე და იმაზე, თუ როგორ ეძებენ ებრაელები თავიანთი წინაპრების საფლავებს, რათა კადიში – სულისმოსახსენებელი ლოცვა აღუვლინონ განსვენებულთ. ჩვენ ამ საქმეს შევეჭიდეთ და ვგონებ, კარგად დავძლიეთ იგი.

მსოფლიოს ებრაული კონგრესის ვიცე-პრეზიდენტი, მწერალი, გურამ ბათიაშვილი იგონებს არიელ შარონთან შეხვედრებს, მაშინ როცა იგი სცენარზე მუშაობდა. ეს ის პერიოდია, როცა დასავლეთის პრესა ერთობ ნეგატიურად აფასებდა შარონის პოლიტიკურ მოღვაწეობას, იმის გამო, რომ იგი უკომპრომისო იყო იასერ არაფატთან მიმართებაში.

– ჩვენ, გადასაღებ ჯგუფს გვჯეროდა ამ პიროვნების სიმართლის და ამგვარი პროპაგანდა ვერავითარ ზეგავლენას ვერ ახდენდა ჩვენზე.

კარგად მახსოვს, ერთხელ ქნესეთში, მის კაბინეტში ვსაუბრობდით, ამ საუბრისას მე შევიცანი მისი სათნოება, ადამიანური ბუნება. ჩვენი საუბრისას ორჯერ დარეკა მისმა მეუღლემ ლილიმ, რომელიც იმჟამად მძიმედ გახლდათ დაავადებული. მათ სატელეფონო საუბარში მე ვგრძნობდი შარონის სულიერებას.

სალამოზე მომღერალმა მარიკა მირველაშვილმა შეასრულა ებრაული სიმღერა.

დასასრულს ნაჩვენები იქნა დოკუმენტური ფილმი „დაგვიანებული კადიში“, რომელიც მსურველმა ერთობ გულთბილად მიიღო.



ისრაელის საელჩო თბილისში

ლექცია
მაცნიერებათა
აკადემიაში



ისრაელის საგანგებო და სრულუფლებიანმა ელჩმა საქართველოში იუვალ ფუქსმა წაიკითხა ლექცია „ისრაელის თვალთ დანახული ახლო აღმოსავლეთი“.

7 თებერვალს საქართველოს მეცნიერებათა ეროვნულ აკადემიაში საქართველოში ისრაელის საგანგებო და სრულუფლებიანი ელჩის იუვალ ფუქსის ლექციის მოსასმენად მოვიდნენ საქართველოს მეცნიერებათა აკადემიის წამდელი წევრები, წევრ-კორესპოდენტები, მეცნიერების სხვადასხვა სფეროს წარმომადგენლები.

მართალია, ლექციის თემა ახლო აღმოსავლეთის პრობლემებით გახლდათ შემოსაზღვრული, მაგრამ ბატონმა ელჩმა არა მხოლოდ ისრაელ-პალესტინის კონფლიქტურ სიტუაციაზე, ირანის ბირთვულ ამბიციასა და მისგან მომდინარე საფრთხეზე ისაუბრა, დიდი ყურადღება დაუთ-

მო ქართულ-ებრაულ ისტორიულ ურთიერთობას, განსაკუთრებული ყურადღება კი ისრაელ-საქართველოს თანამედროვე ურთიერთობაზე გაამახვილა, ილაპარაკა ჩვენი ქვეყნის პრემიერ-მინისტრის ირაკლი ლარიბაშვილის ამასწინანდელ ერთობ წარმატებულ ვიზიტზე ისრაელში, საზი გაუსვა იმას, რომ ამ ორი ქვეყნის ურთიერთობა ერთობ სერიოზულ ფაზაში შედის, რაც ბიზნესის, ჰაიტექნოლოგიების განვითარებას განაპირობებს.

ბ-ნი იუვალ ფუქსის ლექციების კომენტარებისას საქართველოს მეცნიერებათა ეროვნული აკადემიის პრეზიდენტმა გიორგი კვეციანი წინა პლანზე წამოსწია ის საკითხები, რომლებიც ესოდენ მნიშვნელოვანია ამ ორი ქვეყნის ურთიერთობაში და რაზეც ელჩმა დამაჯერებლად ისაუბრა.

სიტყვები წარმოსთქვეს საქართველოს მეცნიერებათა აკადემიის ვიცე-პრეზიდენტმა, საქართველო-ისრაელის მეგობრობის საზოგადოების პრეზიდენტმა როინ მეტრეველმა, აკადემიკოსმა თამაზ გამყრელიძემ, აკადემიის წევრ-კორესპოდენტმა რევაზ გაჩეჩილაძემ, ივ. ჯავახიშვილის სახ. უნივერსიტეტის აღმოსავლეთმცოდნეობის ფაკულტეტის დეკანმა მაია ჩაჩიბაიამ და სხვ.

აბრო სემინარი

2014 წლის 26 თებერვალს, ისრაელის საელჩოში, მარნეულში ჩატარა ისრაელის ცნობილი კომპანიის ISRAGREEN-ის მონაწილეობით აგროსემინარი.

სემინარის თემა: „წვეთოვანი და სასხური სარწყავი სისტემები, სათბურები და მისი აქსესუარები. ახალი მეთოდების და ტექნოლოგიების გამოყენება ხილ-ბოსტნეულის მოსაყვანად“.

ეს არის ის საკითხი, რომელიც ესოდენ აქტუალურია საქართველოს სოფლის მეურნეობისათვის.

სემინარი გახსნა ისრაელის საგანგებო და სრულუფლებიანმა ელჩმა იუვალ ფუქსმა.

თელ-ავივის
ტრიო თბილისში

ისრაელის საელჩო საქართველოში 15 თებერვალს ჯანსუღ კახიძის სახელობის მუსიკალურ ცენტრთან ერთად წარმოადგინა საკონცერტო სერიის „იერუსალიმის მუსიკალური საღამოები თბილისში“ მეორე კონცერტი. Tel Aviv Trio in Tbilisi.

ცენტრის მცირე დარბაზში ჩატარდა თელ-ავივის ტრიოს კონცერტი. გრიგორი იანოვსკის (ჩელო) თელ-ავივის სიმებიანი ტრიო ქართველ მსმენელებს შემდეგ კომპოზიციებს წარუდგენს: შუბერტი – სიმებიანი ტრიო სი-მაჟორი; მოცარტი – დივერტისმენტი მი ბემოლ მაჟორი V 563; ჩიკ კორეა – სენიორ თავი



„ებრაელები ახალ“

კატასტროფას აახლოებენ“

ცნობილი რუსი პუბლიცისტი და საზოგადო მოღვაწე ალექსანდრე პროხანოვი და ტელენამყვანი ეველინა ზაკამენსკაია 24 თებერვალს „როსსია-24“ ეთერში შეთანხმდნენ, რომ ებრაელები, ებრაული ორგანიზაციები თავთავიანთი ქმედებებით ახალ კატასტროფას (ასე ეძახიან მეორე მსოფლიო ომში ექვსი მილიონი ებრაელის გაჟლეტას) აახლოებენ. ამას იუწყება NEWSru.co.il.

უკრაინაში შექმნილ სიტუაციაზე საუბრისას ალ. პროხანოვმა თქვა, რომ უცნაურია, როცა საერთაშორისო ებრაული ორგანიზაციები მხარს უჭერენ კიევის მაიდანს. პროხანოვმა ებრაული ორგანიზაციების ქმედებას სიბრძავე უწოდა და გაიხსენა, რომ 1933 წლამდე ფიურერს „ბევრი უჭერდა მხარს“ — რას აკეთებენ? არც კი ესმით, რომ ამით მეორე ჰოლოკოსტს აახლოებენ — განაცხადა პროხანოვმა, ამ საუბრისას წამყვანი — ეველინა ზაკამენსკაია პროხანოვს თავს უკრავდა და ამბობდა: „პირველი ჰოლოკოსტიც ასევე მოახლოვდა“.

ჯონ კერის განცხადება

26 თებერვალს ჟურნალისტებთან საუბრისას ჯონ კერიმ განაცხადა, რომ აპრილის ბოლომდე ვერ შესძლებს პალესტინასა და ისრაელს შორის ჩარჩო ხელშეკრულების ხელმოწერას.


პალესტინის საინფორმაციო საშუალებები კი იუწყებიან, რომ 20 თებერვალს პარიზში დანყებული ჯონ კერისა და მაჰმუდ აბასის მოლაპარაკება პალესტინის ავტონომიის ლიდერის ინიციატივით შეწყდა — მაჰმუდ აბასმა აღარ ისურვა საუბრის გაგრძელება — კატეგორიულად უარყო ჩარჩო ხელშეკრულების ჯონ კერისეული ვარიანტი. ამ სახელმწიფო მდივანი აყენებს წინადადებას, რომ პალესტინელებმა სცნონ ისრაელი, როგორც ებრაული სახელმწიფო, დაყაბულდნენ იორდანეს ველზე ისრაელის სუვერენიტეტს, ათი დასახლების ისრაელისადმი მიკუთვნებას, პალესტინის ტერიტორიაზე საერთაშორისო ძალების განლაგებას. პალესტინის ლიდერის მაჰმუდ აბასის განსაკუთრებული უკმაყოფილება გამოიწვია ჯონ კერის მოსაზრებამ იმის თაობაზე, რომ პალესტინის ავტონომიის დედაქალაქად გამოცხადებული იქნას იერუსალიმის რაიონი ბეთ ხანი და არა მთელი აღმოსავლეთ იერუსალიმი. მაჰმუდ აბასმა ამ წინადადებას უაზრო უწოდა და კატეგორიულად უარყო.

იგორ
კოლომეისკი —
გუბერნატორი

ევროპის ებრაელთა პარლამენტის თანათავმჯდომარე, ოლიგარქი იგორ კოლომეისკი უკრაინის ახალმა ხელისუფლებამ დნეპროპეტროვსკის ოლქის გუბერნატორად დანიშნა. იგორ კოლომეისკი და კიდევ რამდენიმე ებრაელი ოლიგარქი წინა ხელისუფლების დროს უკრაინიდან დევნილნი იქნენ. ისინი უკრაინას ხელისუფლების შეცვლის შემდეგ დაუბრუნდნენ და ცდილობენ ხელი შეუწყონ ქვეყნის განვითარებას.


მენახემ ბეგინის დაბრუნება

ისრაელის ყოფილი პრემიერ-მინისტრი მენახემ ბეგინი პოლიტიკოსი, რომელმაც ამ ქვეყნის ეკონომიკა სრულიად სხვა მიმართულებით წაიყვანა, ახალ რელსებზე გადაიყვანა, მეზობელ სახელმწიფოებთან სამშვიდობო მოლაპარაკება დაიწყო, ბელორუსიაში — ქალაქ ბრესტში დაიბადა. ამას წინათ იგი მშობლიურ ქალაქს დაუბრუნდა — ბრესტში საზეიმო ვითარებაში გაიხსნა მენახემ ბეგინის ბიუსტი. ბიუსტის გახსნისადმი მიძღვნილ ცერემონიაში მონაწილეობდნენ ქალაქის აღმასრულებელი ხელისუფლების წარმომადგენლები, ისრაელის საგანგებო და სრულუფლებიანი ელჩი ბელორუსში იოსებ შაგალი და სხვ.



მარკ შაგალის
ბიუსტი

ბელორუსის ქალაქ ლიოზნოს სამხედრო-ისტორიული მუზეუმის ტერიტორიაზე დაიდგა გენიალური ებრაელი მხატვრის — მარკ შაგალის ბიუსტი. მარკ შაგალი ვიტებსკში დაიბადა და იზრდებოდა, მაგრამ ლიოზნოში მის ოჯახს პატარა მამული ჰქონდა — ბავშვობაში აქ ხშირად იყო, რადგან ლიოზნოში ნათესავ-ახლობლები ცხოვრობდნენ. თავის შესანიშნავ ნიგნში „ჩემი ცხოვრება“ მარკ შაგალი ხშირად იხსენებს ლიოზნოს.



„ეპრაელეზი და საქართველო. დიასპორა თუ...“

თელ-ავივიში ქართულ ენაზე გამოვიდა ზოია ჯინჯიხაშვილის წიგნი „ეპრაელეზი და საქართველო. დიასპორა თუ...“ (ანტიკური და ფეოდალური ხანა)“ წიგნის ავტორს ზ. ჯინჯიხაშვილს თბილისის სახელმწიფო უნივერსიტეტი დაუთავრებია, მსახურობდა საქართველოს ისტორიისა და ეთნოგრაფიის ინსტიტუტში.

ავტორი წიგნში საინტერესო მოსაზრებას აწვითარებს, ეპრაელთა პროტოსამშობლოს თაობაზე, რომელსაც ამოიკითხავთ მის შემდეგ სტრიქონებ-

ში; „ხსენებულ გეოგრაფიულ გარემოსთან(საქართველოსთან.რედ) ეპრაელთა კავშირი იმდენად შორეულ წარსულში იღებს დასაბამს, რომ იგი მათს პირველ სამშობლოდაც შეიძლება მოიაზრებოდეს. ამგვარი მოსაზრების საფუძვლიანობას მონიშნავენ ეპრაელთა მიერ ამ მიწაზე განვლილი დიდი ისტორიული გზის ამსახველი უკვე ცნობილი თუ ჩვენს მიერ ახლად მიკვლეული ქართული თუ უცხოური მასალების, განსაკუთრებით ლინგვისტური, კერძოდ ქართულ და სხვა ხალხთა სინამდვილეში შემორჩენილი ეპრაული ტერმინოლოგიური მასალების მეცნიერული კვლევის შედეგები“.

ავტორი იმდენად დარწმუნებულია თავისი მეცნიერული ვარაუდის სინამდვილეში, რომ მიიჩნევს: საუკუნეების წინათ საქართველოში ეპრაელეზი არა დიასპორაში, სამშობლოში მობრუნდნენ.

დავით ზაიკიძე

რა სჯობია

შალომ აქეთ, შალომ იქით
ზნებთაა სიბრძნით საკსე,
რა სჯობია ძმედ ცხოვრებას
ნუ შეიქმნით ძალით საფრთხეს!

აკაკობა არას გვარგებს
გაიქმნაღეთ ბინდი თვალზე,
დააბურეთ უბოვარი
დააყენეთ ძწვანე გზაზე.

გაუფრთხილდით, რაც წმინდაა
გული ნუ გაქეთ ბოღმით საკსე
ძმდე ტვირთი მოტოვრებათ,
დიდოს მოძვენთ სულსა, სახეს.

ძნებობასა საძმობლოში
ნუ დაღვებით ხალხთ, განზე,
შიშითა და გულგრილობით
გაუწბილებთ იქვს გამხენს.

ვისაცა გსურთ თანისი –
სიყვარულის ხანა აღტკეს
შალომ აქეთ, შალომ იქით,
დაკვრეთ ხალხთ, უფლის გზაზე!

ლარი შიშვილაშვილის ხსოვნას

გარდაცვლილა ლარი შიშვილაშვილი.
ჭეშმარიტად გულითადი კაცი — სიმართლის მოყვარული, პატიოსანი პიროვნებისათვის დამახასიათებელი სამართლიანობის დამფასებელი. ადამიანი, რომლის სულშიც ისრაელის სიყვარული კოცონით ენთო. მეცნიერი არ იყო, მაგრამ ზოგიერთ მეცნიერზე ნაკლებ არ იცოდა საქართველოს ისტორია. იცოდა და უყვარდა ეს ქვეყანა. ეს იმიტომ რომ წიგნიერი კაცი იყო. მისებრ წიგნის მოყვარული საქართველოში დარჩენილ ეპრაელთა შორის ბევრი არ მეგულებოდა. საქართველოს ყოველი მხარე, მისი კუთხე-კუნჭული ხომ იცოდა და იცოდა!

გულით ქობაგობდა ქვეყანას, თავისი სამსახურებრივი მდგომარეობა საქართველოს სამსახურად მიაჩნდა, რადგან მისი სიყვარულით იყო გამთბარი. მიაჩნდა, რომ საქვეყნო საქმეს აკეთებდა, ასეც იყო!

ერთბო გულმხურვალე კაცი იყო — უყვარდა მეგობარ-ამხანაგებთან ყოფნა, საზოგადო საქმის კეთება. ეპრაელობის, ისრაელის სიყვარულს გულით ატარებდა თავისი ხელის ხუთი თითითაც იცოდა თანამედროვე ისრაელის მიერ განვლილი გზა. სიონიზმის ისტორიაზე საათობით შეეძლო ესაუბრა.

მოკლედ, ისეთი კაცი იყო, ქვეყანას რომ სჭიროდა და ადგებოდა.

ოჯახიც ასეთი შექმნა — სტუმრის მოყვარული, მიმგებებელი. ისრაელელ სტუმრებს მის ოჯახში რა გამოლევდა — ისრაელის სიყვარულს მათს პატივისცემაში გამოხატავდა.

ქართველი ეპრაელობისადმი თანადგომის სულისკვეთებამ შეაქმნევინა ქართველ ეპრაელ ბიზნესმენთა კავშირი. სასიკეთო, ხალხისთვის სარგო საქმის კეთებას ეშურებოდა. კავშირის არც ერთი წევრის დაბადების დღე არ გამოჩნებოდა — „მენორას“ ფურცლებიდან ულოცავდა.

რასაკვირველია, ასეთი კაცის საქართველოდან წასვლა დამენანა, მაგრამ საქართველოდან წასვლა რა მოსატანია — ნუთისოფელი დატოვა.

გულსაკლავია, ნამდვილად გულსაკლავია, როცა ასეთი ადამიანები ტოვებენ ნუთისოფელს.

ვაგლახ!

სოსო აჯიაშვილი, რამინ იაკობაშვილი გა-
მოსთქვამენ ღრმა გულისტკივილს
ლარი შიშვილაშვილის
გარდაცვალების გამო და თანაგრძნობას
უცხადებენ განსვენებულის ოჯახს.

ბურაბ ბათიაშვილი

ორი ერის სამსახურში გულდაფერვლილი

ვიოლეტა ბუზიაშვილის გარდაცვალების გამო

საქართველოში მცხოვრებ ქართველ ეპრაელთა ან უკვე მცირერიცხოვანმა დიასპორამ დიდი დანაკლისი განიცადა: ხანგრძლივი და მძიმე ავადმყოფობის შემდეგ გარდაიცვალა საქართველო-ისრაელის მეგობრობის საზოგადოების იმერეთის ორგანიზაციის ვიცე-პრეზიდენტი და ამ საზოგადოების ყურნალ „ნოსტალგიის“ მთავარი რედაქტორის მოადგილე, „ღირსების ორდენის“ კავალერი, ცნობილი ჟურნალისტი და მეცნიერ-ქიმიკოსი, ქალბატონი ვიოლეტა ბუზიაშვილი.

იმ მრავალფეროვან და ფრიად წარმატებულ საზოგადოებრივ საქმეთა შორის, რომელსაც ქალბატონი ვიო-
ლეტა აკეთებდა მთელი თავისი შეგნებული ცხოვრების განმავლობაში, განსაკუთრებით უნდა აღინიშნოს მისი ფასდაუდებლად მნიშვნელოვანი როლი ქართულ-ეპრაულ ურთიერთობათა კიდევ უფრო მეტად განმტკიცების საქმეში. ამ თვალსაზრისით უალრესად ფასეულია მისი ის წერილები, რომლებშიც ქართველი და ეპრაელი ხალხების ძმობისა და მეგობრობის წარმოქმნის ეპიზოდები მოთხრობილი. არ გადავწყარებთ, თუ ვიტყვით, რომ მართალი ადამიანური ემოციებით გაჯერებული ეს წერილები სავსებით სამართლიანად სარგებლობს ფართო მკითხველს საზოგადოების დიდი სიყვარულით.

ქართულ-ეპრაულ ურთიერთობათა ისტორიაში ქალბატონი ვიოლეტას მიერ შეტანილი წვლილის შეფასების დროს განსაკუთრებული ყურადღება ძალზე ფასეულ იმ როლსაც მინდა მივაქციო, რომელსაც იგი ბოლო წლების განმავლობაში ასრულებდა, როგორც საქართველო-ისრაელის მეგობრობის საზოგადოების იმერეთის ორგანიზაციის ვიცე-პრეზიდენტი და ყურნალ „ნოსტალგიის“ მთავარი რედაქტორის მოადგილე.

ვიდრე ჟურნალისტიკაში მოვიდოდა, ქალბატონ ვიოლეტა ბუზიაშვილს უკვე ჰქონდა მოპოვებული საკმაოდ მნიშვნელოვანი წარმატებები ქიმიურ მეცნიერებაში. ამ დროისათვის ის მოსკოვში მოღვაწეობდა და სპეციალ-
ისტა მიერ საკმაოდ პერსპექტიულ მკვლევარად იყო აღიარებული. ეს აღიარება შემთხვევით მოვლენას რომ არ წარმოადგენდა, ამას სამეცნიერო წრეებში იმხანად ფართოდ გახმაურებული მისი ნაშრომებიც ადასტურებდა.

მაგრამ ქალბატონი ვიოლეტას ცხოვრების გზა სულ მალე რადიკალურად შეიცვალა, რაც ორი არსები-
თად მნიშვნელოვანი ფაქტორით აღმოჩნდა განპირობებული — მშობლიურ ქუთაისში მარტოდ მყოფი დედის მიმართ პიროვნული მოვალეობის გრძნობითა და უმძაფრეს ნოსტალგიად გარდაქმნილი სიყვარულით ჩვენი ქვეყნისადმი.

და ქალბატონმა ვიოლეტამაც უყოყმანოდ თქვა უარი თავის სამომავლო სამეცნიერო კარიერაზე და მთე-
ლი თავისი შემდგომდროინდელი ცხოვრება ქუთაისს დაუკავშირა, სადაც მისი მოღვაწეობის უმთავრეს ას-
პარეზად ჟურნალისტიკა იქცა.

ამ დროიდან მოყოლებული, ვიოლეტა ბუზიაშვილის წერილები სისტემატურად იბეჭდებოდა არა მარტო ქართულ, არამედ რუსულ და ეპრაულ პრესაში. მაღალი პროფესიონალიზმითა და სიტყვიერი ხელოვნებით გამოირჩეულ ამ წერილებში ჩვენი ცხოვრების მრავალი პრობლემური და საჭირობოროტო საკითხია დასმულ-
გაანალიზებული.

ძალიან სამწუხაროა და გულდასაწყვეტი, რომ საზოგადოებრივი აქტიურობით გამორჩეულ ამ ღირ-
სეულ ქალბატონს ქართველი და ეპრაელი ხალხების მეგობრულ ურთიერთობათა კიდევ უფრო ფართოდ წარმოსაჩენად ბევრი კეთილშობილური მიზანი და ჩანაფიქრი დარჩა ხორცშეუხსმელი.

ღმერთმა ნათელში დაამკვიდროს მისი სული!

ავთანდილ ნიკოლეიშვილი

გაზეთ „მენორას“ რედაქცია გამოთქვამს
ღრმა გულისტკივილს ჩვენი გაზეთის ავტორის
და მეგობრის, ამავდარი ქალბატონის
ვიოლეტა ბუზიაშვილის
გარდაცვალების გამო.